

新刊王氏脈經四冊 7502

卷二 二頁 (殘本)

目錄 三頁

卷一 十一頁 (由一至抄配)

卷二 十三頁 (有抄補)

卷三 十三頁 (由一至抄配)

卷四 十九頁

卷五 十一頁

卷六 十九頁

卷七 二十七頁

卷八 二十五頁 (有抄補)


卷九 十四頁 (有抄補)

卷十 七頁 (有抄補 又由四至抄配)

共計一百七十三頁 (由六至抄配 又有

殘破、抄補)


王氏脈經





王氏家範







# 脉經序

晉太醫令王叔和撰

脉理精微其體難辨絃緊浮沈展轉相類在心易了  
指下難明謂沈爲伏則方治求垂以緩爲遲則危殆  
立至況有數候俱見異病同脉者乎夫醫藥爲用性  
命所繫和鵠至妙猶或加思仲景明審亦候形證一  
毫有疑則考校以求驗故傷寒有承氣之戒嘔噦發  
下焦之間而遺文遠旨代寡能用舊經秘述奧而不  
售遂令末學昧於原本乎茲偏見各逞己能致微疴  
成膏肓之變滯固絕振起之望良有以也今撰集岐  
伯以來逮于華陀經論要訣合爲十卷百病根源各



以類例相從聲色證候靡不該備其王阮傳戴吳葛  
呂張所傳異同咸悉載錄誠能留心研窮究其微顯  
則可以比蹤古賢代無夭橫矣

天地以生物為心故古之聖賢著書立論教人  
以醫而濟人之生也得其書而自秘者豈天地  
聖賢之心乎夫治病莫重於明脈之注無出於  
王氏脈經之為精寧本堂所藏不及自秘先以  
針灸資生彙編行矣今復刻脈經與眾共之庶  
以傳當世濟人之道且善負古人著書之志云  
昔天曆庚午仲夏達安樂日增誌于廣勤書堂



# 新刊王氏脈經目錄



朝散大夫守光祿卿直秘閣判登聞鼓院上護軍臣林億等類次

## 卷第一

脈形狀指下秘決

平脈早晏法

分別三關境界脈候所主

辨尺寸陰陽榮衛度數

平脈視人大小長短男女逆順法

持脈輕重法

兩手六脈所主五藏六腑陰陽逆順

辨腑臟病脈陰陽大法

辨脈陰陽大法

平虛實

從橫逆順伏匿脈

辨災怪恐怖雜脈

遲疾短長雜病法



平人得病所起脉

診病將差難已脉

卷第二

平三關陰陽二十四氣脉

平人迎神門氣口前後脉

平三關病候并治宜

平奇經八脉

病八脉爲病不在十二經故以繫此卷之末

平三關陰陽二十四氣脉

卷第三

肝膽部

心小腸部

脾胃部

肺大腸部

腎膀胱部

卷第四

辨三部九候脉證

平雜病脉



診五藏六腑氣絕證候

診四時相反脉

診損至脉

診脉動止投數踈數死期年月

診百病死生決

辨三部九候脉證

卷第五

張仲景論脉

扁鵲陰陽脉法

扁鵲華佗察聲色要訣

扁鵲診諸反逆死脉要訣

診三部虛實決死生

卷第六

肝病證

膽病證

心病證

小腸病證

脾病證

胃病證



肺病證

大腸病證

腎病證

膀胱病證

三焦病證

卷第七

病不可發汗證

病可發汗證

病發汗以後證

病不可吐證

病可吐證

病不可下證

病可下證

病發汗吐下以後證

病可溫證

病不可灸證

病可灸證

病不可刺證

病可刺證

病不可水證

病可水證

病不可火證



病可火證

熱病生死期日證

熱病陰陽交并少陰厥逆陰陽竭盡生死證

重實重虛陰陽相附生死證

熱病十逆死日證

熱病五藏氣絕死日證

熱病至脉死日證

熱病損脉死日證

卷第八

平卒中厥脉證

平痙濕暍脉證

平陽毒陰毒百合狐惑脉證

平霍亂轉筋脉證

平血痺虛勞脉證

平中風歷節脉證

平消渴小便利淋脉證

平水氣黃汗氣分脉證

平黃疸寒熱瘧脉證第

平腹痛寒疝宿食

平背痺心痛短氣貫脉脉證

平五藏積聚脉證



平驚悸衄吐下血冒滿瘀血脈證

平肺痿肺癰欬逆上氣喘飲脈證

平癰腫腸癰金瘡侵淫脈證 平嘔噦下痢脈證

卷第九 平妊娠分別男女將產諸證

平妊娠胎動血分水分吐下腹痛證

平產後諸病鬱冒中風發熱煩嘔下利證

平帶下絕產無子亡血居經證

平鬱冒五崩漏下經閉不利腹中諸病證

平咽中如有炙脔喜悲熱入血室腹痛證

平陰中寒轉胞陰吹陰生瘰癧下證

平婦人病生死證 平小兒雜病證

卷第十 手檢圖三十一部

目錄畢



# 新刊王氏脉經卷第一



朝散大夫守光祿卿真秘閣判登聞檢院上護軍臣林億等類次

火○脉形狀指下秘決第一 二十四種

浮脉舉之有餘按之不足

浮於手下

芤脉浮大而軟按之中央空兩邊實

一日手下無兩傍有

洪脉極大在指下

一日浮而大

滑脉往來前却流利展轉替替然與數相似

一日浮中如有力一日漉漉如欲脫

數脉去來促急

一日息六七至一日數者進之名

促脉來去數時一止復來

弦脉舉之無有按之如弓弦狀

一日如張弓弦按之不移又曰浮緊爲弦

緊脉數如切繩狀

一日如轉索之無常



沈脉舉之不足按之有餘

一日重按之乃得

伏脉極重指按之著骨乃得

一日手下裁動一日按之不足舉之無有一日關上沈不出名曰伏

革脉有似沈伏實大而長微絃

千金翼以革爲牢

實脉大而長微強按之隱指幅幅然

一日沈浮皆得

微脉極細而軟或欲絕若有若無

一日小也一日手下快一日浮而薄一日按之如欲盡

濇脉細而遲往來難且散或一止復來

一日浮而短一日短而止或曰散也

細脉小大於微常有但細耳

軟脉極軟而浮細

一日按之無有柔之有餘一日細小而軟軟作濡曰濡者如白衣在水中經手相得

弱脉極軟而沈細按之欲絕指下

一日按之乃得柔之無有

虛脉遲大而軟按之不足隱指豁豁然空

散脉大而散散者氣實血虛有表無裏

緩脉去來亦遲小駛於遲

一日浮大而軟陰浮與陽同等



遲脉呼吸三至去來極遲

一曰率之不足按之盡牢

結脉往來緩時一止復來

按之來緩時一指者各結陽初來動止更來小數不能自還率之則

動名結陰

代脉來數中止不能自還因而復動脉結者生代者死

動脉見於關上無頭尾大如豆厥厥然動搖

傷寒論云陰陽相搏名曰動陽

動則汗出陰動則發熱形冷惡寒數脉見於關上上下下無頭尾如豆大厥厥然動搖者名曰動

浮與乳相類

與洪相類

弦與緊相類

滑與數相類

革與實相類

千金翼云牢與實相類

沈與伏相類

微與瀋相類

軟與弱相類

緩與遲相類

軟與遲相類

### 平脉早晏法第二

黃帝問曰夫診脉常以平旦何也岐伯對曰平旦者陰氣未動



陽氣未散飲食未進經脈未盛絡脈調均

內經作調勻

氣血未亂故

乃可診過此非也

千金同素問太素云有過之脈切脈動靜而視精明察五色

觀五藏有餘不足六腑強弱形之盛衰以此參伍決死生之分

### 分別三關境界脈候所主第三

從魚際至高骨

其骨自高

却行一寸其中名曰寸口從寸至尺名曰

尺澤故曰尺寸寸後尺前名曰關陽出陰入以關爲界陽出三

分陰入三分故曰三陰三陽陽生於尺動於寸陰生於寸動於

尺寸主射上焦出頭及皮毛竟手關主射中焦腹及膺尺主射

下焦少腹至足

### 辨尺寸陰陽榮衛度數第四

夫十二經皆有動脈獨取寸口以決五藏六腑死生吉凶之候者何謂也然寸口者脈之大會手太陰之動脈也人一呼脈行



三寸一吸脉行三寸呼吸定息脉行六寸人一日一夜凡一萬三千五百息脉行五十度周於身漏水下百刻榮衛行陽二十五度行陰亦二十五度爲一周時故五十度而復會於手太陰太陰者寸口也即五藏六腑之所始終故法取於寸口

脉有尺寸何謂也然尺寸者脉之大會要也從關至尺是尺內陰之所治也從關至魚際是寸口內陽之所治也故分寸爲尺分寸爲寸故陰得尺內一寸陽得寸內九分寸寸終始一寸九分故曰尺寸也

脉有太過有不及有陰陽相乘有覆有溢有關有格何謂也然關之前者陽之動也脉當見九分而浮過者法曰太過減者法曰不及遂上魚爲溢爲外關內格此陰乘之脉也關之後者陰之動也脉當見一寸而沈過者法曰太過減者法曰不及遂入



尺爲覆爲內關外格此陽乘之脉故曰覆溢是真藏之脉也人不病自死

平脉視人大小長短男女逆順法第五

凡診脉當視其人大小長短及性氣緩急脉之遲速大小長短皆如其人形性者則吉反之者則爲逆也脉三部大都欲等只如小人細人婦人脉小軟小兒四五歲脉呼吸八至細數者吉千金翼云人大而脉細人細而脉大人樂而脉實人苦而脉虛性急而脉緩性緩而脉躁人壯而脉細人羸而脉大此皆爲逆逆則難治反此爲順二則易治凡婦人脉常欲濡弱於丈夫小兒四五歲者脉自駛疾呼吸八至也男左大爲順女右大爲順肥人脉沉瘦人脉浮

持脉輕重法第六

脉有輕重何謂也然初持脉如二菽之重與皮毛相得者肺部也菽者小豆言脉輕如三小豆之重與肌肉相得者脾部也如六菽之重與血脉



相得者心部也

心主血脈於六豆之重如九菽之重與肌肉相得者脾

部也

脾在中央主肌肉故如九豆之重

如十二菽之重與筋平者肝部也

筋又在脾下故次之

按之至骨舉之來疾者腎部也

腎主骨其脈沉至骨

故曰輕重也

兩手六脉所主五藏六腑陰陽逆順第七

脉法讚云肝心出左脾肺出右腎與命門俱出尺部魂魄穀神

皆見寸口左主司官右主司府左大順男右大順女關前一分

人命之主左為人迎右爲氣口神門決斷兩在關後人無二脉

病死不愈

諸經損減各隨其部察按陰陽誰與先後

千金云三陰三陽誰

先後誰

陰病治官陽病治府奇邪所舍如何捕取審而知者鍼入

病愈

心部在左手關前寸口是也即手少陰經也與手太陽爲表裏

以小腸合爲府合於上焦名曰神庭在龜

鳩一作

尾下五分



肝部在左手關上是也足厥陰經也與足少陽爲表裏以膽合爲府合於中焦名曰胞門一作少陽在太倉左右三寸

腎部在左手關後尺中是也足少陰經也與足太陽爲表裏以膀胱合爲府合於下焦在關元左

肺部在右手關前寸口是也手太陰經也與手陽明爲表裏以大腸合爲府合於上焦名呼吸之府在雲門

脾部在右手關上是也足太陰經也與足陽明爲表裏以胃合爲府合於中焦脾胃之間名曰章門在季脇前一寸半

腎部在右手關後尺中是也足少陰經也與足太陽爲表裏以膀胱合爲府合於下焦在關元右左屬腎右爲子戶名曰三焦

辨藏腑病脉陰陽大法第八

脉何以知藏腑之病也然數者腑也遲者藏也數即有熱遲即



生寒諸陽爲熱諸陰爲寒故別知藏腑之病也

肺者陽故其脈數藏者陰故其

脈逢陽行逢病則數陰行疾病則逢

脈來浮大者此爲肺脈也脈來沈滑如石腎脈也脈來如弓弦者肝脈也脈來疾去遲心脈也脈來當見而不見爲病病有深淺但當知如何受邪

### 辨脈陰陽大法第九

脈有陰陽之法何謂也然呼出心與肺吸入腎與肝呼吸之間脾受穀味也其脈在中浮者陽也沈者陰也故曰陰陽

心肺俱浮何以別之然浮而大散者心也浮而短濇者肺也腎肝俱沈何以別之然牢而長者肝也按之更舉指來實者腎也

脾者中州故其脈在中

千金翼云逢緩而長者脾也

是陰陽之脈也脈有陽

盛陰虛陰盛陽虛何謂也然浮之損小沈之實大故曰陰盛陽



虛沈之損小浮之實大故曰陽盛陰虛是陰陽虛實之意也

脈

見寸曰浮而實大今輕手浮之更損減而小故言陽虛重手按之反更實大而沈故言陰實

經言脈有一陰一陽一陰二陽一陰三陽有一陽一陰一陽二陰一陽三陰如此言之寸口有六脈俱動耶然經言如此者非有六脈俱動也謂浮沈長短滑濇也浮者陽也滑者陽也長者陽也沈者陰也濇者陰也所以言一陰一陽者謂脈來沈而滑也一陰二陽者謂脈來沈滑而長也一陰三陽者謂脈來浮滑而長時一沈也所以言一陽一陰者謂脈來浮而濇也一陽二陰者謂脈來長而沈濇也一陽三陰者謂脈來沈濇而短時一浮也各以其經所在名病之逆順也凡脈大爲陽浮爲陽數爲陽動爲陽長爲陽滑爲陽沈爲陰濇爲陰弱爲陰絃爲陰短爲陰微爲陰是爲二陰二陽也陽病見陰脈者反也主



死陰病見陽脉者順也主生關前爲陽關後爲陰陽數則吐血陰微則下利陽絃則頭痛陰絃則腹痛陽微則發汗陰微則自下陽數口生瘡陰數加微必惡寒而煩撓不得眠也陰附陽則強陽附陰則顛得陽屬腑得陰屬藏無陽則厥無陰則嘔陽微則不能呼陰微則不能吸呼吸不足膏中短氣依此陰陽以察病也

寸口脉浮大而疾者名曰陽中之陽病苦煩滿身熱頭痛腹中熱寸口脉沈細者名曰陽中之陰病苦傷悲不樂惡聞人聲少氣時汗出陰氣不通臂不能舉

尺脉沈細者名曰陰中之陰病苦兩胫酸疼不能久立陰氣衰小便餘瀝陰下濕癢

尺脉滑而浮大者名曰陰中之陽病苦小腹痛滿不能溺溺即



陰中痛大便亦然

尺脉牢而長關上無有此爲陰干陽其人苦兩脛重少腹引腰痛寸口脉壯大尺中無有此爲陽干陰其人苦腰背痛陰中傷足脛寒夫風傷陽寒傷陰陽病順陰陰病逆陽陽病易治陰病難治在腸胃之間以藥和之若在經脉之間鍼灸病已

平虛實第十

人有三虛三實何謂也然有脉之虛實有病之虛實有診之虛實脉之虛實者脉來要者爲虛牢者爲實病之虛實者出者爲虛入者爲實言者爲虛不言者爲實緩者爲虛急者爲實診之虛實者癢者爲虛痛者爲實外痛內快爲外實內虛內痛外快爲內實外虛故曰虛實也

問曰何謂虛實答曰邪氣盛則實精氣奪則虛何謂重實所謂



重實者言大熱病氣熱脉滿是謂重實

問曰經絡俱實如何何以治之答曰經絡皆實是寸脉急而尺緩也當俱治之故曰滑則順澀則逆夫虛實者皆從其物類始五藏骨肉滑利可以長久

從橫逆順伏匿脉第十一

問曰脉有相乘有從

仲景從字作縱字

有橫有逆有順何謂也師曰水

行乘火金行乘木名曰從火行乘水木行乘金名曰橫水行乘金火行乘木名曰逆金行乘水木行乘火名曰順

經言脉有伏匿者伏匿於何藏而言伏匿也然謂陰陽更相乘更相伏也脉居陰部反見陽脉者爲陽乘陰也脉雖時沈澀而短此陽中伏陰脉居陽部反見陰脉者爲陰乘陽也脉雖時浮滑而長此爲陰中伏陽也重陰者癰重陽者狂脫陽者見鬼脫



陰者目盲

辨災恠恐怖雜脈第十二

問曰脈有殘賊何謂師曰脈有絃有緊有澹有滑有浮有沈此六脈爲殘賊能與諸經作病

問曰嘗爲人所難緊脈何所從而來師曰假令亡汗若吐肺中寒故令緊假令欬者坐飲冷水故令緊假令下利者以胃中虛冷故令緊也

問曰翕奄沈名曰滑何謂師曰沈爲純陰翕爲二陽陰陽和合故脈滑也

問曰脈有災恠何謂師曰假令人病脈得太陽脈與病形證相應因爲作湯比還送湯之時病者因反大吐若下痢仲景痢字作利病腹中痛因問言我前來脈時不見此證今反變異故是名爲災



恠因問何緣作此吐痢荅曰或有先服藥今發作故爲災恠也  
問曰人病恐怖其脉何類師曰形脉如循絲累累然其面白脫色  
問曰人媿者其脉何等類師曰其脉自浮而弱面形乍白乍赤  
問曰人不飲其脉何類師曰其脉自濇而唇口乾燥也言遲者  
風也搖頭言者其裏痛也行遲者其表彊也坐而伏者短氣也  
坐而下一膝者必腰痛裏實護腹如懷外者必心痛師持脉病  
人欠者無病也脉之因伸者無病也者一云伸假令向壁卧聞師  
到不驚起而目眄視一云反視面仰視若三言三止脉之咽唾此爲詐病  
假令脉自和處言此病太重當須服吐下藥鍼灸數十百處乃愈

遲疾短長雜病法第十三

黃帝問曰余聞胃氣手少陽三焦四時五行脉法夫人言脉有三陰三陽知病存亡脉外以知內尺寸大小願聞之歧伯曰寸



口之中外別浮沈前後左右虛實死生之要皆見寸口之中脉  
從前來者為實邪從後來者為虛邪從所不勝來者為賊邪從  
所勝來者為微邪自病得一作者為正邪外結者病癰腫內結者  
病疝瘕也間來而急者病正在心癰氣也脉來疾者為風也脉  
來滑者為病食也脉來滑躁者病有熱也脉來澀者為病寒濕  
也脉逆順之道不與衆謀

師曰夫呼者脉之頭也初持之來疾去遲此為出疾入遲為內  
虛外實初持脉來遲去疾此為出遲入疾為內實外虛也

脉數則在府遲則在藏脉長而弦病在肝

扁鵲云肝病出於肝

脉小血少

病在心

扁鵲云心病出於心

脉下堅上虛病在脾胃

扁鵲云胃病出於脾胃

脉滑

一作

而微浮病在肺

扁鵲云肺病出於肺

脉大而堅病在腎

扁鵲云腎病小而緊

脉滑

者多血少氣脉澀者少血多氣脉大者血氣俱多又云脉來大



而堅者血氣俱實脉小者血氣俱少又云脉來細而微者血氣

俱虛沈細滑疾者熱遲緊爲寒

又云俱數滑疾爲熱  
沈細爲寒

脉盛滑緊者

病在外熱脉小實而緊者病在內冷脉小弱而濇者謂之久病

脉滑浮而疾者謂之新病脉浮滑其人外熱風走刺有飲難治

脉沈而緊上焦有熱下寒得冷即便下脉沈而細下焦有寒小

便數時苦絞痛下利重脉浮緊且滑直者外熱內冷不得大小

便脉洪大緊急病速進在外苦頭發熱癰腫脉細小緊急病速

進在中寒爲疝瘕積聚腹中刺痛脉沈重而直前絕者病血在

腸間脉沈重而中散者因寒食成瘕脉直前而中散絕者病消

渴

一云病  
渴浸淫痛

脉沈重前不至寸口徘徊絕者病在肌肉遁尸脉左

轉而沈重者氣癥陽在胃中脉右轉出不至寸口者內有肉癥

脉累累如貫珠不前至有風寒在大腸伏留不去脉累累中止



不至寸口軟者結熱在小腸膜中伏留不去脉直前左右彈者  
病在血脉中脉血也脉後而左右彈者病在筋骨中也脉大後  
小即頭痛目眩脉前小後大即胃滿短氣上部有脉下部無脉  
其人當吐不吐者死上部無脉下部有脉雖困無所苦夫脉者  
血之府也長則氣治短則氣病數則煩心大則病進上盛則氣  
高下盛則氣脹代則氣衰細則氣少太素細作滑瀉則心痛渾渾革  
革至如涌泉病進而危弊弊綽綽其去如絃絕者死短而急者  
病在上長而緩者病在下沈而絃急者病在內浮而洪大者病  
在表沈爲在裏

平人得病所起第十四

何以知春得病無肝脉也無心脉夏得病無肺脉秋得病無腎



脉冬得病無脾脉四季之月得病

假令肝病者兩行若食雞肉得之當以秋時發得病以庚辛日也家有腥死女子見之以明要爲災不者若感金銀物得之

則害二字誤

假令脾病東行若食雉兔肉及諸木果實得之不者當以春時發得病以甲乙日也

假令心病北行若食豚魚得之不者當以冬時發得病以壬癸日也

假令肺病南行若食馬肉及麋鹿肉得之不者當以夏時發得病以丙丁日也

假令腎病中央若食牛肉及諸土中物得之不者當以長夏時發得病以戊己日也



假令得王脉當於縣官家得之

假令得相脉當於嫁娶家得之或相慶賀家得之

假令得胎脉當於產乳家得之

假令得囚脉當於囚徒家得之

假令得休脉其人素有宿病不治自愈

假令得死脉當於死喪家感傷得之

何以知人露卧得病陽中有陰也

何以知人夏月得病諸陽入陰也

何以知人食飲中毒淳之無陽微細之不可知也但有陰脉

來疾去疾此相爲水氣之毒也脉遲者食乾物得之

診病將差難已脉第十五

問曰假令病人欲差脉而知愈何以別之



等者

師曰寸關尺大小遲疾浮沈同等雖有寒熱不解者此脉陰陽爲平復當自愈

人病其寸口之脉與人迎之脉大小及浮沈者等病難已

新刊王氏脉經卷第一



This image shows a blank, aged, cream-colored page, likely an endpaper or flyleaf from an old book. The paper has a slightly textured appearance with some minor discoloration and small dark spots, possibly due to age or handling. There are faint vertical lines running down the page, suggesting it might be part of a ledger or a notebook. The right edge of the page shows a dark binding material.



# 新刊王氏脉經卷第二

朝散大夫守光祿卿直秘閣判登聞檢院上護軍臣林億等類次

平三關陰陽二十四氣脉第一

平人迎神門氣口前後脉第二

平三關病候并治宜第三

平奇經八脉病第四

八脉爲病不在十二經故以繫此卷之末

平三關陰陽二十四氣脉第一

左手關前寸口陽絕者無小腸脉也苦臍痺小腹中有疝瘕王

月

王字一作五

即冷上搶心刺手心主經治陰心主在掌後橫理中

即太陵穴也

左手關前寸口陽實者小腸實也苦心下急痺一作急痛小腸有熱



小便赤黃刺手太陽經治陽

一作手少陽者非

太陽在手小指外側本

節陷中

即後谿穴也

左手關前寸口陰絕者無心脉也苦心下毒痛掌中熱時時善嘔口中傷爛刺手太陽經治陽

左手關前寸口陰實者心實也苦心下有水氣憂恚發之刺手心主經治陰

左手關上陽絕者無膽脉也若膝疼口中苦眯目善畏如見鬼狀多驚少力刺足厥陰經治陰在足大指間

即行間穴也

或刺三毛中

左手關上陽實者膽實也苦腹中實不安身軀羸瘦也刺足少陽經治陽在足上第二指本節後一寸

第二指即臨泣穴也

左手關上陰絕者無肝脉也苦癰遺溺難言脅下有邪氣善吐

吐刺足少陽經治陽



左手關上陰實者肝實也苦肉中痛動善轉筋刺足厥陰經治陰  
左手關後尺中陽絕者無膀胱脉也苦逆冷婦人月使不調王  
月則閉男子失精尿有餘瀝刺足少陰經治陰在足內踝下動

脉

即太谿  
穴也

左手關後尺中陽實者膀胱實也苦逆冷脅下有邪氣相引痛  
刺足太陽經治陽在足小指外側本節後陷中

即束骨  
穴也

左手關後尺中陰絕者無腎脉也苦足下熱兩髀裏急精氣竭  
少勞倦所致刺足太陽經治陽

左手關後尺中陰實者腎實也苦恍惚健忘目視眊眊耳聾悵  
悵善鳴刺足少陰經治陰

右手關前寸口陽絕者無大腸脉也苦少氣心下有水氣立秋  
節即刺手太陰經治陰在魚際間

即太谿  
穴也



右手關前寸口陽實者大腸實也苦腸中切痛如錐刀所刺無

休息時刺手陽明經治陽在手腕中

即陽谿穴也

右手關前寸口陰絕者無肺脉也苦短氣欬逆喉中塞噫逆刺

手陽明經治陽

右手關前寸口陰實者肺實也苦少氣胃中滿彭彭與肩相引

刺手太陰經治陰

右手關上陽絕者無胃脉也苦吞酸頭痛胃中有冷刺足太陰

經治陰在足大指本節後一寸

即公孫穴也

右手關上陽實者胃實也苦腸中伏伏

一作幅幅

不思食物得食不

能消刺足陽明經治陽在足上動脉

即衝陽穴也

右手關上陰絕者無脾脉也苦心氣下利腹滿身重四肢不欲

動善嘔刺足陽明經治陽



右手關上陰實者脾實也苦腸中伏伏如堅狀大便難刺足太陰經治陰

右手關後尺中陽絕者無子戶脉也苦足逆寒絕產帶下無子陰中寒刺足少陰經治陰

右手關後尺中陽實者膀胱實也苦少腹滿引腰痛刺足太陽經治陽

右手關後尺中陰絕者無腎脉也苦足逆冷上搶脊痛夢入水見鬼善厭寐黑色物來掩人上刺足太陽經治陽

右手關後尺中陰實者腎實也苦骨疼腰脊痛內寒熱刺足少陰經治陰

右脉二十四氣事

平人迎神門氣口前後脉第二



心實

左手寸口人迎以前脉陰實者手厥陰經也病苦閉大便不利  
腹滿四肢重身熱苦胃脹刺三里

心虛

左手寸口人迎以前脉陰虛者手厥陰經也病苦悸恐不樂心  
腹痛難以言心如寒狀恍惚

小腸實

左手寸口人迎以前脉陽實者手太陽經也病苦身熱熱來去  
汗出一作汗而煩心中滿身重口中生瘡

小腸虛

左手寸口人迎以前脉陽虛者手太陽經也病苦顙際偏頭痛  
耳頰痛



心小腸俱實

左手寸口人迎以前脉陰陽俱實者手少陰與太陽經俱實也  
病苦頭痛身熱大便難心腹煩滿不得卧以胃氣不轉水穀實也

心小腸俱虛

左手寸口人迎以前脉陰陽俱虛者手少陰與太陽經俱虛也  
病苦洞泄苦寒少氣四肢寒腸澼

肝實

左手關上脉陰實者足厥陰經也病苦心下堅滿常兩脅痛自  
忿忿如怒狀

肝虛

左手關上脉陰虛者足厥陰經也病苦脅下堅寒熱腹滿不欲  
飲食腹脹悒悒不樂婦人月經不利腰腹疼痛



膽實

左手關上脉陽實者足少陽經也病苦腹中氣滿飲食不下咽  
乾頭重痛洒洒惡寒脇痛

膽虛

左手關上脉陽虛者足少陽經也病苦眩厥痿足指不能搖臂  
坐不能起僵仆目黃失精眊眊

肝膽俱實

左手關上脉陰陽俱實者足厥陰與少陽經俱實也病苦胃脹  
嘔逆食不消

肝膽俱虛

左手關上脉陰陽俱虛者足厥陰與少陽經俱虛也病苦恍惚  
尸厥不知人妄見少氣不能言時時自驚



腎實

左手尺中神門以後脉陰實者足少陰經也病苦膀胱脹閉少腹與腰脊相引痛

左手尺中神門以後脉陰實者足少陰經也病苦舌燥咽腫心煩噤乾骨脇時痛欬汗出小腹脹滿腰背彊急體重骨熱小便赤黃好怒好忘足下熱疼四肢黑耳聾

腎虛

左手尺中神門以後脉陰虛者足少陰經也病苦心中悶下重足腫不可以按地

膀胱實

左手尺中神門以後脉陽實者足太陽經也病苦逆滿腰中痛不可俛仰勞也



膀胱虛

左手尺中神門以後脉陽虛者足太陽經也病苦脚中筋急腹中痛引腰背不可屈伸轉筋惡風偏枯腰腹痛外踝後痛

腎膀胱俱實

左手尺中神門以後脉陰陽俱實者足少陰與太陽經俱實也病苦脊彊反折戴眼氣上搶心脊痛不能自反側

腎膀胱俱虛

左手尺中神門以後脉陰陽俱虛者足少陰與太陽經俱虛也病苦小便利心痛背寒時時少腹滿

肺實

右手寸口氣口以前脉陰實者手太陰經也病苦肺脹汗出若露上氣喘逆咽中塞如欲嘔狀



肺虛

右手寸口氣口以前脉陰虛者手太陰經也病苦少氣不足以息澀乾不朝津液

大腸實

右手寸口氣口以前脉陽實者手陽明經也病苦腹滿善喘欬面赤身熱喉咽一作中如核狀

大腸虛

右手寸口氣口以前脉陽虛者手陽明經也病苦胃中喘腸鳴虛渴唇口乾目急善驚泄白

肺大腸俱實

右手寸口氣口以前脉陰陽俱實者手太陰與陽明經俱實虛病苦頭痛目眩驚狂喉痺痛手臂捲脣吻不收



肺大腸俱虛

右手寸口氣口以前脉陰陽俱虛者手太陰與陽明經俱虛也  
病苦耳鳴嘈嘈時妄見光明情中不樂或如恐怖

脾實

右手關上脉陰實者足太陰經也病苦足寒脛熱腹脹滿煩擾  
不得卧

脾虛

右手關上脉陰虛者足太陰經也病苦泄注腹滿氣逆霍亂嘔  
吐黃疸心煩不得卧腸鳴

胃實

右手關上脉陽實者足陽明經也病苦腹中堅痛而熱千金作病苦口  
痛汗不出如溫瘧唇口乾善噦乳癰缺盆腋下腫痛



胃虛

右手關上脉陽虛者足陽明經也病苦脛寒不得卧惡寒洒洒  
目急腹中痛虛鳴外臺作耳虛鳴時寒時熱脣口乾面目浮腫

脾胃俱實

右手關上脉陰陽俱實者足太陰與陽明經俱實也病苦脾脹  
腹堅搶脇下痛胃氣不轉大便難時反泄利腹中痛上衝肺肝  
動五藏立喘喘多驚身熱汗不出喉痺精少

脾胃俱虛

右手關上脉陰陽俱虛者足太陰與陽明經俱虛也病苦胃中  
如空狀少氣不足以息四逆寒泄注不已

腎實

右手尺中神門以後脉陰實者足少陰經也病苦痺身熱心痛



脊脇相引痛足逆熱煩

腎虛

右手尺中神門以後脉陰虛者是少陰經也病苦足脛小弱惡風寒脉代絕時不至足寒上重下輕行不可以按地少腹脹滿上搶脊脇痛引肋下

膀胱實

右手尺中神門以後脉陽實者是太陽經也病苦轉胞不得小便頭眩痛煩滿脊背彊

膀胱虛

右手尺中神門以後脉陽虛者是太陽經也病苦肌肉振動脚中筋急耳聾忽忽不聞惡風風颺作聲

腎膀胱俱實



右手尺中神門以後脉陰陽俱實者足少陰與太陽經俱實也  
病苦癩疾頭重與目相引痛厥欲起走反眼大風多汗

腎膀胱俱虛

右手尺中神門以後脉陰陽俱虛者是少陰與太陽經俱虛也  
病苦心痛若下重不自收纂反出時時苦澀泄寒中泄腎心俱  
痛○一說云腎有左右而膀胱無二今用當以左腎合膀胱右  
腎合三焦

平三關病候并治宜第三

寸口脉浮中風發熱頭痛宜服桂枝湯葛根湯針風池風府向  
火灸身摩治風膏覆令汗出

寸口脉緊苦頭痛骨肉疼是傷寒宜服麻黃湯發汗針眉衝顓  
顓摩治傷寒膏



寸口脉微苦寒爲衄宜服五味子湯摩萊萸膏令汗出

寸口脉數即爲吐以有熱在胃管熏管中宜服藥吐之及針胃管服除熱湯若是傷寒七八日至十日熱在中煩滿渴者宜服知母湯

寸口脉緩皮膚不仁風寒在肌肉宜服防風湯以藥薄熨之摩以風膏灸諸治風穴

寸口脉滑陽實管中壅滿吐逆宜服前胡湯針太陽巨闕瀉之寸口脉絃心下幅幅微頭痛心下有水氣宜服甘遂圓針期門瀉之

寸口脉弱陽氣虛自汗出而短氣宜服茯苓湯內補散適飲食消息勿極勞針胃管補之

寸口脉澀是胃氣不足宜服乾地黄湯自養調和飲食針三里



補之三里一作胃管

寸口脉孔吐血微孔者衄血空虚去血故也宜服竹皮湯黃土湯灸臍中

寸口脉伏管中逆氣噎塞不通是胃中冷氣上衝心管宜服前胡湯大三建圓針巨闕上管灸臍中

寸口脉沉管中引為痛管中有水氣宜服澤漆湯針巨闕瀉之寸口脉濡陽氣弱自汗出是虛損病宜服乾地黃湯著預圓內補散以蠟散并粉針太衝補之

寸口脉遲上焦有寒心痛咽酸吐酸水宜服附子湯生薑湯調和飲食以煖之

寸口脉實即生熱在脾肺嘔逆氣塞虛即生寒在脾胃食不消化有熱即宜服竹葉湯葛根湯有寒宜服茱萸圓生薑湯



寸口脈細發熱吸吐宜服黃芩龍膽湯吐不止宜服橘皮桔梗湯灸中府

寸口脈洪大胃脇滿宜服生薑湯白薇圓亦可紫菀湯下之針上管期門章門

右上部寸口十七條

關脈浮腹滿不欲食浮爲虛滿宜服平胃圓茯苓湯生薑前胡湯針胃管先瀉後補之

關脈緊心下苦滿急痛脈緊者爲實宜服茱萸更當歸湯又大黃

湯兩治之良針巨闕下管瀉之

千金云服茱萸更當歸湯又加大黃二兩佳

關脈微胃中冷心下拘急宜服附子湯生薑湯附子圓針巨闕補之

關脈數胃中有客熱宜服知母圓除熱湯針巨闕上管瀉之



關脉緩其人不欲食此胃氣不調脾胃不足宜服平胃圓補脾湯針章門補之

關脉滑胃中有熱滑為熱實以氣滿故不欲食食即吐逆宜服

紫苑湯下之大平胃圓針胃管瀉之

千金云宜服朴消  
脉黃湯平胃圓

關脉絃胃中有寒心下厥逆此以胃氣虛故爾宜服茱萸湯溫調飲食針胃管補之

關脉弱胃氣虛胃中有客熱脉弱為虛熱作病其說云有熱不可大攻之熱去則寒起正宜服竹葉湯針胃管補之

關脉澀血氣逆冷脉澀為血虛以中焦有微熱宜服乾地黄湯內補散針足太衝上補之

關脉芤大便去血數斗者以膈輸傷故也宜服生地黃并生竹皮湯灸膈輸若重下去血者針關元甚者宜服龍骨圓必愈



關脉伏中焦有水氣漉泄宜服水銀圓針關元利小便漉泄便止  
關脉沈心下有冷氣苦滿吞酸宜服白薇茯苓圓附子湯針胃  
管補之

關脉濡苦虛冷脾氣弱重下病宜服赤石脂湯女萎圓針關元  
補之

關脉遲胃中寒宜服桂枝圓茱萸湯針胃管補之

關脉實胃中痛宜服枳實湯茱萸烏頭圓針胃管補之

關脉牢脾胃氣塞盛熱即腹滿響響宜服紫苑圓瀉脾圓針灸  
胃管瀉之

關脉細虛腹滿宜服生薑茱萸湯白薇圓針灸三管  
關脉洪胃中熱必煩滿宜服平胃圓針胃管先瀉後補之

右中部關脉十八條



尺脉浮下熱風小便難宜服瞿麥湯滑石散針橫骨關元瀉之

尺脉緊臍下痛宜服當歸湯灸天樞針關元補之

尺脉微厥逆小腹中拘急有寒氣宜服小建中湯

一六平更有針四順湯

氣海

尺脉數惡寒臍下熱痛小便赤黃宜服雞子湯白魚散針橫骨

瀉之

尺脉緩脚弱下腫小便難有餘瀝宜服滑石湯瞿麥散針橫骨

瀉之

尺脉滑血氣實婦人經脉不利男子尿血宜服朴消煎大黃湯

下去經血鍼關元瀉之

尺脉絃小腹疼小腹及脚中拘急宜服建中湯當歸湯針血海

瀉之



尺脉弱陽氣少發熱滑煩宜服前胡湯乾地黄湯茯苓湯針關元補之

尺脉濇足脛逆冷小便赤宜服附子四逆湯針足太衝補之

尺脉芤下焦虛小便去血宜服竹皮生地黃湯灸丹田關元亦針補之

尺脉伏小腹痛癥疝水穀不化宜服大平胃圓桔梗圓針關元補之桔梗圓一云結腸圓

尺脉沈腰背痛宜服腎氣圓針京門補之

尺脉濡苦小便難千金云脚不收風痺宜服瞿麥湯白魚散針關元瀉之

尺脉遲下焦有寒宜服桂枝圓針氣海關元補之

尺脉實小腹痛小便不禁宜服當歸湯加大黃一兩以利大便

針關元補之止小便



尺脉牢腹滿陰中急宜服葶藶子茱萸圓針升田關元中極

右下部尺脉十六條

平奇經八脉病第四

脉有奇經八脉者何謂也然有陽維陰維有陽蹻陰蹻有衝有督有任有帶之脉凡此八脉者皆不拘於經故曰奇經八脉也經有十二絡有十五凡二十七氣相隨上下何獨不拘於經也然聖人圖設溝渠通利水道以備不虞天雨降下溝渠溢滿滂沛妄行當此之時聖人不能復圖也此絡脉流溢諸經不能復拘也

奇經八脉者既不拘於十二經皆何起何繫也然陽維者起於諸陽之會陰維者起於諸陰之交陽維陰維者維絡于身溢畜不能環流漑灌諸經者也陽蹻者起於跟中循外踝而上行入



風池陰蹻者亦起於跟中循內踝而上行至咽喉交貫衝

脉者起於關元循腹裏直上至咽喉中一云衝脉者起於氣衝

至胃中而散也督脉者起於下極之輸並於脊裏循背上至風府衝脉

者陰脉之海也督脉者陽脉之海也任脉者起於胞門子戶夾

臍上行至胃中一云任脉者起於中極之下以帶脉者起於季

肋難經作季脅廻身一周此八者皆不繫於十二經故曰奇經八脉

者也奇經之為病何如然陽維維於陽陰維維於陰陰陽不能

相維悵然失志容容難經作不能自收持悵然者其人驚即維

白收持即失志陽維為病苦寒熱陰維為病苦心痛陽維為衛

陰維為榮陰蹻為病陽緩而陰急陰蹻在內

以上急外陽蹻為病陰緩而陽急陽蹻在外

以上急外衝之為病逆氣而裏急衝脉從關元至咽喉督之為病脊



疆而厥

腎脈在背病即其脈急故令脊疆也

任之爲病其內苦結男子爲七疝女

子爲癥聚

其病結起於胞門子戶故其病結爲七病癥聚

帶之爲病苦腹滿腰容容

經難

若坐水中狀

即其脈緩故令腰容々也

此奇經八脉之爲

病也

診得陽維脉浮者翹起目眩陽盛實苦肩息洒洒如寒

診得陰維脉沈大而實者苦脊中痛脇下支滿心痛

診得陰維如貫珠者男子兩脇實腰中痛女子陰中痛如有瘡狀

診得帶脉左右遶臍腹腰脊痛衝陰股也

兩手脉浮之俱有陽沈之俱有陰陰陽皆實盛者此爲衝督之

脉也衝督之脉者十二經之道路也衝督用事則十二經不復

朝於寸口其人皆苦恍惚狂疑不者必當由豫有兩心也兩手

陽脉浮而細微綿綿不可知俱有陰脉亦復細綿綿此爲陰踣



陽蹻之脉也此家曾有病鬼魅風死苦恍惚亡人爲禍也  
診得陽蹻病拘急陰蹻病緩

尺寸俱浮直上直下此爲督脉腰脊強病不得俛仰大人癰病  
小兒風癰疾

脉來中央浮直上下痛者督脉也動苦腰背膝寒大人癰小兒  
癰也灸頂上三圓正當頂上

尺寸脉俱牢

一作

直上直下此爲衝脉脊中有寒病也

脉來中央堅實經至關者衝脉也動苦少腹痛上搶心有痙病  
絕孕遺失溺脇支滿煩也橫寸口邊九九此爲任脉舌腹中有  
氣如指上搶心不得俛仰拘急脉來緊細實長至關者任脉也  
動苦少腹繞臍下引橫骨陰中切痛取臍下三寸

新刊王氏脉經卷第二



新刊王氏脈經卷第三

朝散大夫守光祿卿直秘閣判登聞檢院上護軍臣林億等類次

肝膽部第一

心小腸部第二

脾胃部第三

肺大腸部第四

腎膀胱部第五

肝膽部第一

肝家木

肝於五

與膽合為府

膽為清

其經足厥陰

肝脈與足少

陽為表裏

少陽陽也

其脈絃

絃肝脈之

其相冬三月

水

旺木

王春二月廢夏三月

夏火

囚季夏六月

季夏死秋三



月秋金王

其王日甲乙王時平旦日出

並木

其困日戊己困時

食時日

大並上

其死日庚辛死時晡時日入

並金

其神魂魄

者其主色其養筋

肝氣所

其候目

肝候出目故

其聲呼其色青

其臭臊

其臭臊

其液泣

泣出

其味酸其宜苦

苦火

其惡辛

辛金

肝俞在背第九椎募在期門

直兩乳下

膽俞在背第十椎募在

日月

亢在期門

右新撰

並出素問諸經昔人撰集成或混雜相涉煩而難了今抄事要分別五藏各為一部

冬至之後得甲子少陽起於夜半肝家王

冬至者歲終之節甲子日者陰陽更始之

數也少陽膽也膽者木也生於水故起夜半

肝者東方木

肝為

藏府故王東方應木行也

萬物始生其氣來稟而弱寬而虛

春少陽氣溫相

生故脉為絃

肝氣養於筋故其脉絃強亦法木體強也

稟即不可發汗弱即不可下

寬者開開者通通者利故名曰寬而虛

言少陽始起尚弱人榮衛湊理開通發即汗



出<sub>利</sub>不止不可下下之而也<sub>春以胃氣為本不可犯也</sub>  
胃者土也利不禁故言寬虛通利也  
而生胃以養五藏於肝王以胃氣為本也不可犯者不可傷也

### 右四時經

黃帝問曰春脉如絃何如而絃岐伯曰春脉肝也東方木也萬物之所以始生也故其氣來濡弱輕虛而滑端直以長故曰絃反此者病黃帝曰何如而反岐伯曰其氣來實而強此謂太過病在外其氣來不實而微此謂不及病在中黃帝曰春脉太過與不及其病皆何如岐伯曰太過則令人善忘<sub>忘當作怒</sub>忽忽眩冒而癩疾不及則令人脊脇痛引背下則兩脇脹滿黃帝曰善肝脉來濡弱招招如揭竿末梢曰平<sub>巢源云絃二如按琴瑟</sub>春以胃氣為本肝脉來盈實而滑如循長竿曰肝病肝脉來急而益勁如新張弓弦曰肝死



真肝脉至中外急如循刀刃責責然巢源云然如按琴瑟絃色青

白不澤毛折乃死

春胃微絃曰平絃多胃少曰肝病但絃無胃曰死有胃而毛曰

秋病毛甚曰令病

肝藏血血舍魂悲哀動中則傷魂魂傷則狂妄不精不敢正當

人不精不敢正當人一作其精不守令人陰縮陰縮而筋攣兩脇骨不舉毛悴色夭

死于秋

春肝木王其脉絃細而長名曰平脉也反得浮濇而短者千金云微

短而是肺之乘肝金之刻木為賊邪大逆十死不治一本云云日

三忌反得洪大而散者千金云浮是心之乘肝子之扶母為實

邪雖病自愈反得沈濡而滑者是腎之乘肝母之歸子為虛邪

雖病易治反得大而緩者是脾之乘肝土之陵木為微邪雖病



即差肝脉來濯濯如倚竿如琴瑟之絃再至曰平三至曰離經  
病四至脫精五至死六至命盡足厥陰脉也肝脉急甚爲惡言  
微急爲肥氣在脇下若覆杯緩其爲善嘔微緩爲水瘕痺大甚  
爲內癰善嘔衄微大爲肝痺縮欬引少腹小其爲多飲微小爲  
消痺滑其爲頰疝微滑爲遺溺瀦其爲淡飲微瀦爲癭癰攣筋  
足厥陰氣絕則筋縮引卵與舌厥陰者肝脉也肝者筋之合也  
筋者聚於陰器而脉絡於舌本故脉弗營則筋縮急筋縮急則  
引舌與卵故唇青舌卷卵縮則筋先死庚篤辛死金勝木也  
肝死藏浮之脉弱按之中如索不來或曲如蛇行者死

右素問鍼經張仲景

心小腸部第二

心象火與小腸合爲府

小腸爲受盛之府也

其經手少陰

手少陰心脉也

與手太



陽為表裏

手太陽小腸脉也

其脉洪

洪心脉之大形

其相春三月

木王火相王夏三

月廢季夏六月囚秋七月

金王火囚

死冬三月

水王火死

其王日丙丁王

時禺中日中其困日庚辛困時晡時日入其死日壬癸死時人

定夜半其藏神

心之所藏神也

其主臭其養血

心氣所養者血

其喉舌其聲

言

言由心出故主言

其色赤其臭焦其液汗其味苦其宜甘

甘脾味也

其惡

鹹

鹹腎味也

心俞在背第五椎

或云第七椎

募在巨闕

在心下一寸

小腸俞在

背第十八椎募在關元

臍下三寸

右新撰

心者南方火

心主血其色赤故以萬物洪盛垂枝布葉皆下垂

如曲故名曰鈎

枝葉布舒皆下垂曲故謂之鈎也

心脉洪大而

長洪則衛氣實實則氣無從出

脉洪者衛氣實則氣無從出

大則

榮氣萌萌洪相薄可以發汗故名曰長

榮者血也萌萌當為明字之誤耳血王故明且大



也祭明衛實當須發動通其津液也長洪相得即引水漿溉灌經絡津液皮膚夏

陽氣盛故其人引水漿潤澤肌膚以太陽洪大皆是母軀幸得養皮毛猶草木須雨澤以長枝葉

戊己用牢根株太陽夏火春木為其母陽得春始生名曰少陽

土為火子火王即土相故用牢根株也陽氣上出汗見於頭五月枯薺胞中空虛

鑿反下之此為重虛也內字似月由來遠矣遂以傳焉人頭者

諸陽之會夏時飲水漿上出為汗先從頭流於身軀以實其表是以五內乾枯燥則胞中空虛津液少也胞者膀胱津液之府

也愚鑿不曉故反下之令重虛也脉浮有表無裏陽無所使汗而反下之換於

陰氣陽為表陰為裏經言陽為陰使陰為陽守相須而行不但

危身并中其母言下之不但傷心并復中肝

右四時經

黃帝問曰夏脉如鉤何如而鉤歧伯曰夏脉心也南方火也萬

物之所以盛長也故其氣來盛去衰故曰鉤反此者病黃帝曰



何如而反歧伯曰其氣來盛去亦盛此謂太過病在外其來不盛去反盛此謂不及病在中黃帝曰夏脉太過與不及其病皆何如歧伯曰太過則令人身熱而膚痛為浸淫不及則令人煩心上見欬唾下為氣泄帝曰善

心脉來累累如連珠如循琅玕曰平夏以胃氣為本心脉來喘

喘甲乙作累累

連屬其中微曲曰心病心脉來前曲後居如操帶鉤

曰心死

真心脉至堅而搏如循薏苡子累累然其色赤黑不澤毛折乃死夏胃微鉤曰平鉤多胃少曰心病但鉤無胃曰死胃而有石曰冬病石甚曰今病

心藏脉脉舍神怵惕思慮則傷神神傷則恐懼自失破腠脫肉毛悴色夭死于冬



夏心火王其脉洪

千金作浮大而洪

大而散名曰平脉反得沈濡而滑

者是腎之乘心水之刻火爲賊邪大逆十死不治

一本云日月年數至二忌

反得大而緩者是脾之乘心子之扶母爲實邪雖病自愈反

得絃細而長者是肝之乘心母之歸子爲虛邪雖病易治反得

千金作微

滑而短者是肺之乘心金之陵火爲微邪雖病即差

脉來累累如貫珠滑利再至曰平三至曰離經病四至脫精

五至死六至命盡手少陰脉也

心脉急甚爲瘕瘕微急爲心痛引背食不下緩甚爲狂笑微緩

爲伏梁在心下上下行時唾血大甚爲喉介微大爲心痺引背

善淚出小甚爲善噦微小爲消燁滑甚爲善渴微滑爲心疝引

臍少腹鳴漇甚爲痞微漇爲血溢維厥耳鳴顛疾手少陰氣絕

則脉不通少陰者心脉也心者脉之合也脉不通則血不流血



不流則髮色不澤故其面黑如漆柴者血先死壬篤癸死水勝火也

心死藏浮之脉實如豆麻擊手按之益躁疾者死

右素問鍼經張仲景

### 脾胃部第三

脾象土與胃合為府

胃為水穀之府

其經足太陰

太陰脾之脉也

與足陽明為

表裏

陽明胃脉

其脉緩

緩脾脉之大形也

其相夏三月

土火相王

王季夏六月廢

秋三月囚冬三月死春三月其王日戊己王時食時日昃困日

壬癸困時人定夜半其死日甲乙死時平旦日出

並木時也

其神意

其主味其養肉其候口其聲歌其色黃其臭香其液涎其味甘

其宜辛其惡酸脾俞在背第十一椎募在章門

季助端是

胃俞在背

第十二椎募在太倉



右新撰

脾者土也敦而福敦者厚也萬物衆色不同

脾主水穀其氣微弱水穀不化脾爲

土行王於季夏土性敦厚育養萬物當此之時草木備具枝葉茂盛種類衆多或有黃赤白黑色各不同矣

故名曰

得福者廣

土生養萬物當此之時脾則同稟諸藏故其德爲廣大

萬物懸根住莖其葉在

巔蛸蜚蠕動蚊蠅喘息皆蒙土恩

懸根住莖草木之類也其次則蟻蚋幾微之虫因陰陽氣

變化而生者也喘息有血脈之類也言普德則爲緩恩則爲遲天之下草木昆虫無不被蒙土之恩福也

故令太陰脉緩而遲尺寸不同

太陰脾也言脾王之時脉緩而遲尺寸不同者尺遲而寸緩也

酸鹹苦辛大

一作沙又作沙

而生互行其時而以各行皆不群

行盡可常服

肝酸腎鹹心苦脾辛瀦皆四藏之味也脾主調和五味以稟四藏四藏受味於脾脾王之時其脉沙

一作沙連於肌肉之中互行人身軀乃復各行隨其四支使其氣周匝榮諸藏府以養皮毛皆不群行至一處也故言盡可常

服也土寒則溫土熱則涼

冬陽氣在下土中清涼脾氣亦然

土有一子

名之曰金懷挾抱之不離其身金乃畏火恐熱來熏遂棄其母



逃歸水中水自金子而藏火神閉門塞戶內外不通此謂冬時

也

陽氣在中陽爲火行金性畏火故恐熏之金歸水中而避火也母子相得益盛閉塞不通者言水氣充實金在其中此爲

強固火無復得往刻之者神密之類也

土亡其子其氣衰微水爲洋溢浸漬爲池

一作走擊皮膚面目浮腫歸於四肢

此爲脾之衰損土以防水土

其地而愚醫見水直往下之虛脾空胃水遂居之肺爲喘浮

脾胃病

宜扶養其氣通利水道愚醫不曉而往下之此爲重傷水氣遂更陵之上侵胃中肺得水而浮故言喘浮肝反畏肺

故下沈沒

肺金肝木此爲相刻肺浮則實必有復刻肝故畏之沈沒於下

下有荆棘恐傷其身

避在一邊以爲水流

荆棘木之類肝爲木今沒在下則爲荆棘其身脾也脾爲土土畏木是以避在下

邊避木也水流者水之流路也土本刻水而今微弱又復觸木無復制水故水得流行

心衰則伏肝微則

沈故令脉伏而沈

心火肝木火則畏水而木畏金三水相得其氣則實刻於肝心故令二藏衰微脉爲沈伏

也

工醫來占固轉孔穴利其洩便遂通水道甘液下流亭其陰

陽喘息則微汗出正流肝著其根心氣因起陽行四肢肺氣亭



亭喘息則安

轉孔穴者  
亭其陰陽

諸藏之榮井轉流其順其液脾之津液  
得復其常所故榮衛開通水氣消除肝

得還著其根株肝心為  
得起肺氣平調故言

母子肝者則心氣  
此為端好之類腎為安聲其味為鹹

肺主肅腎為其子助於  
肺故言安聲鹹腎味也

倚坐母敗滂臭如腥

金為水母而歸水  
中此為母往從子

氣反虛五藏猶此而相刻賊倚  
倒致敗宅滂臭而腥故云然也

土得其子則成為山金得其

母名曰丘矣

### 右四時經

黃帝曰四時之序逆順之變異也然脾脉獨何主岐伯曰脾者  
土也孤藏以灌四傍者也曰然則脾善惡可得見乎曰善者不  
可見惡者可見曰惡者何如曰其來如水之流者此謂太過病  
在外如鳥之喙此謂不及病在中太過則令人四肢沈重不舉  
其不及則令人九竅雍塞不通名曰重強

脾脉來而和柔相離如雞足踐地曰平長夏以胃氣為本脾脉



來實而盈數如雞舉足曰脾病脾脉來堅兌如鳥之喙如鳥之距如屋之漏如水之溜曰脾死真脾脉至弱而乍疎乍散一作數色青黃不澤毛折乃死

長夏胃微濡弱曰平弱多胃少曰脾病但代無胃曰死濡弱有石曰冬病石甚曰今病

脾藏榮榮舍意愁憂不解則傷意意傷則悶亂四肢不舉毛悴色夭死于春

六月季夏建未坤未之間土之位脾王之時其脉大阿阿而緩名曰平脉反得絃細而長者是肝之乘脾木之刻土爲賊邪大逆十死不治反得浮千金作微濇而短者是肺之乘脾子之扶母

爲實邪雖病自愈反得洪大而散者千金作浮是心之乘脾母

之歸子爲虛邪雖病不治反得沈濡而滑者腎之乘脾水之陵



土為微邪雖病即差

脾脉長長而弱

千金長二作長二

來踈去數再至曰平三至曰離經病

四至脫精五至死六至命盡足太陰脉也脾脉急甚為癰癥微急為脾中滿食飲入而還出後沃沫緩甚為痿厥微緩為風痿四肢不用心慧然若無病大甚為擊仆微大為痞氣裏大膿血在腸胃之外小甚為寒熱微小為消痺滑甚為頰癰微滑為蟲毒虵腸鳴熱瀼甚為腸頰微瀼為內潰多下膿血也足太陰氣絕則脉不營其口脣口脣者肌肉之本也脉不營則肌肉濡肌肉濡則人中滿人中滿則脣反脣反者肉先死甲篤乙死木勝土也

脾死藏浮之脉大緩

堅一作

按之中如覆杯繫繫狀如搖者死云

聚三狀如炙肉



右素問鍼經張仲景

肺大腸部第四

肺象金與大腸合為府

大腸為傳導之府也

其經手太陰

手太陰肺脈也

與手陽

明為表裏

手陽明大腸脈也

其脈浮

浮肺脈之大形也

其相季夏六月

季夏土王金相

其王秋三月廢冬三月囚春三月死夏三月

夏火王金死

其王日庚

辛王時晡時日入其困日甲乙困時平旦日出其死日丙丁死

時禺中日中其神魄其主聲其養皮毛其候鼻其聲哭其色白

其臭腥其液涕其味辛其宜鹹其惡苦肺俞在背第三椎

或云第五

也募在中府

直兩乳上

大腸俞在背第十六椎募在天樞

俠臍傍各

半一寸

右新撰

肺者西方金萬物之所終

金性剛故王西方割斷萬物是以皆終於秋也

宿葉落柯



葉得秋隨風而落但有枝條杌然獨在其脈為微浮毛衛氣遲葉得秋隨風而落但有枝條杌然獨在其脈為微浮毛衛氣遲

在此時陽氣則遲脈為虛微如毛也榮氣數數則在上遲則在

下故名曰毛諸陽脈數諸陰脈遲榮為陰不應數反言榮氣數

時陰始用事陽即下藏其氣陽當陷而不陷陰當昇而不昇為

邪所中陰陽交易則不以時定二陽中邪則捲陰中邪則緊捲

則惡寒緊則為慄寒慄相薄故名曰瘧弱則發熱浮乃來出者

其人物捲也緊者脈緊也此謂初中風寒之時脈緊其人則寒

寒止而脈更微弱弱則其人發熱熱止則脈浮浮者瘧解王脈

也旦中日發暮中暮發言瘧發皆隨其初藏有遠近脈有遲疾

肩有度數行有漏刻藏謂人五藏肝心脾肺腎也心肺在膈上

在膈下吸則其氣入是為遠也吸為陰其脈遲度數謂經脈之

長短周身行者榮衛之行也行陰陽各二十五度為一周也以

應漏下遲在上傷毛采數在下傷下焦中焦有惡則見有善則

匿秋則陽氣遲陰氣數遲當在下數當在上隨節亦反故言陽毛



遲今反數故言傷下焦中焦脾也其平善之陽氣下陷陰氣則  
時脈常自不見衰乃見耳也云有惡則見也陽氣下陷陰氣則  
溫言陽氣下陷陽反在下陰反在顛故名曰長而且留陰陽交  
時節人血脈和平  
言可長留竟一時

### 右四時經

黃帝問曰秋脈如浮何如而浮歧伯對曰秋脈肺也西方金也  
萬物之所以收成也故其氣來輕虛而浮其氣來急去散故曰  
浮反此者病黃帝曰何如而反歧伯曰其氣來毛而中央堅兩  
傍虛此謂太過病在外其氣來毛而微此謂不及病在中黃帝  
曰秋脈太過與不及其病何如歧伯曰太過則令人氣逆而背  
痛溫溫內經溫溫然不及則令人喘呼吸少氣而欬上氣見血  
下聞病音

肺脈來厭厭難經云厭如落榆莢曰肺平秋以胃氣為本厭厭如



循榆葉曰春平脈藹藹如肺脈來不上不下如循雞羽曰肺病

車蓋按之益大曰秋平脈不字肺脈來如物之浮如風吹毛曰肺死

其肺脈至大而虛如以毛羽中人膚色赤白不澤毛折乃死秋胃微毛曰平毛多胃少曰肺病但毛無胃曰死毛而有絃曰春病絃甚曰今病

肺藏氣氣舍魄喜樂無極則傷魄魄傷則狂狂者意不存人皮

革焦毛悴色夭死于夏秋金肺王其脈浮千金作微濇而短曰平

脈反得洪大而散者千金作浮是心之乘肺火之刻金爲賊邪

大逆十死不治一本云日月年數至四忌丙丁反得沈濡而滑者是腎之乘肺

子之扶母爲實邪雖病自愈反得大而緩者是脾之乘肺母之

歸子爲虛邪雖病易治反得絃細而長者是肝之乘肺木之陵

金爲虛邪雖病即差肺脈來沈沈輕如微風吹鳥背上毛聳至



曰平三至曰離經病四至脫精五至死六至命盡手太陰脉也  
肺脉急甚爲癰疾微急爲肺寒熱急墮欬唾血引腰背膏苦鼻  
息肉不通緩其甚爲多汗微緩爲痿偏風一作漏風頭以下汗出不可  
止大甚爲脛腫微汗爲肺痺引肩背起腰內小甚爲殭油微小  
爲消痺滑甚爲息責上氣微滑爲上下出血瀉甚爲嘔血微瀉  
爲鼠瘻在頸支掖之間下不勝其上其能喜酸

手太陰氣絕則皮毛焦太陰者行氣溫皮毛者也氣弗營則皮  
毛焦皮毛焦則津液去津液去則皮節傷皮節傷者則爪一作爪字  
皮枯毛折毛折者則氣氣字一作毛先死丙篤丁死火勝金也  
肺死藏浮之虛按之弱如葱葉下無根者死

右素問鍼經張仲景

腎膀胱部第五



腎象木與膀胱合為府膀胱為津液之府其經是少陰足少陰腎脈也與足太

陽為表裏足太陽膀胱脈也其脈沈沈腎脈之形也其相秋三月秋金王水相其

王冬三月廢春三月囚夏三月其死季夏六月其王日壬癸王

時人定夜半其困日丙丁困時禺中日中其死日戊己死時食

時日昃其神志腎之所藏者志也其主液其養骨其候耳其聲呻其色

黑其臭腐其液唾其味鹹其宜酸其惡甘腎俞在背第十四椎

募在京門膀胱俞在第十九椎募在中極橫骨上一寸在臍下五寸前陷者中

右新撰

腎者北方水万物之所藏冬則北方用事王在三時之後腎在四藏之下故王北方也不物春生夏

長秋收百蟲伏蟄冬伏蟄不食之言有百種也陽氣下陷陰氣上升陽氣中

出陰氣烈為霜遂不上昇化為雪霜猛獸伏蟄冬盛陽氣中出是十月則霜降

者謂降於土中也其氣越越而昇出陰氣在上冬盛陽氣中出是十月則霜降



猛獸伏蟄者蓋謂龍蛇冬時而潛處螺蛭虫无毛甲者其脉為沈

得定皆伏蟄逐陽氣所在如此避水霜自溫養也

沈為陰在裏不可發汗發則螺蛭虫出見其霜雪陽氣在下故冬

府此為裏實而表虛復從外發其汗此為逆治非其法也猶百

虫伏蟄之時而反出土見於冰霜必死不疑逆治者死此之謂

也陰氣在表陽氣在藏慎不可下下之者傷脾胃土弱即水氣

妄行陽氣在下溫養諸藏故不可下也下之既損於陽氣而脾

胃復傷土以防防水而令反傷之故令水得益溢而妄行也

下之者如魚出水蛾入湯言治病逆則殺人如魚出重客在裏

慎不可重熏之逆客其息則喘重客者猶陽氣也重者尊重之

下非其常所故言客也重謂燒鍼及以湯火之輩重發其汗如

此則客熱從外入為陽氣相薄是為逆也氣上熏胃中故令喘

息無持客熱令口爛瘡九持者无以湯火發重其汗也重之陰

脉且解血散不通正陽遂厥陰不往從血行脉中氣行脉外五

端也血為陰氣為陽相須而行發其汗使陰陽離別脉為解散

血不得通厥者逆也謂陽氣逆而不復相朝使病失所故陰

陽錯逆可客熱狂入內為結腎陰陽錯亂外熱狂脾氣遂弱清

不慎也



洩利通

脾主水穀其氣微弱水穀不化下痢不息清者廁也洩從水道出而反清洩者是謂下利至廁也

右四時經

黃帝問曰冬脈如營何如而營岐伯對曰冬脈腎也北方水也萬物之所以合藏故其氣來沈以搏作甲乙故曰營反此者病黃帝曰何如而反岐伯曰其氣如彈石者此為太過病在外其去如數者此謂不及病在中黃帝曰冬脈太過與不及其病皆如何岐伯曰太過則令人解脛脊痛而少氣不欲言不及則令人心懸如病飢脛中清脊中痛小腹滿小便黃赤

腎脈來喘喘累累如鉤按之而堅曰腎平冬以胃氣為本腎脈如引葛按之益堅曰腎病腎脈來發如奪索辟辟如彈石曰腎死

真腎脈至搏而絕如以石投諸水

千金作如以指彈石然

其色黑赤不澤



毛折乃死

冬胃微石曰平石多胃少曰腎病但石無胃曰死石而有鉤夏

病鉤甚曰今病凡人以水穀為本故人絕水穀則死脈無胃氣

所謂脈不得胃氣者肝但弦心但鉤胃但弱肺但毛腎但石也

腎藏精精舍志盛怒而不止則傷志志傷則善忘其前言腰脊

痛不可以俛仰屈伸毛悴色夭死於季夏

冬腎水王其脈沈濡而滑曰平脈反得大而緩者是脾之乘腎

土之克水為賊邪大逆十死不治一本云日戌巳年反得弦細而

長者是肝之乘腎子之扶母為實邪雖病自愈反得浮千金濡

而短者是肺之乘腎母之歸子為虛邪雖病易治反得洪大而

散者千金作浮是心之乘腎火之陵水為微邪雖病即差腎脈

沈細而緊再至曰平三至曰離經病四至脫精五至死六至命



盡足少陰脉也

腎脉急甚為骨痿癰疾微急為奔豚沈厥足不收不得前後緩甚為折脊微緩為洞下洞下者食不化入咽還出大甚為陰痿微大為石水起臍下以至小腹腫垂垂然上至胃管死不治小甚為洞泄微小為消痺滑甚為癰癰微滑為骨痿坐不能起目無所見視見黑花濇甚為大癰微濇為不月水沈痔

足少陰氣絕則骨枯少陰者冬脉也伏行而濡骨髓者也故骨不濡則肉不能著骨也骨肉不相親則肉濡而却肉濡而却故齒長而垢難經垢字作枯髮無澤髮無澤者骨先死戊篤己死土勝水也

腎死臍浮之堅按之亂如轉圓益下入尺中者死

右素問鍼經張仲景



新刊王氏脉經卷第三



